

Na osnovu člana 7. i člana 19. stav (2) Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09, 35/14 i 94/15) federalni ministar financija-federalni ministar finansija donosi

PRAVILNIK

O IZMJENAMA I DOPUNAMA PRAVILNIKA O NAČINU UPLATE, PRIPADNOSTI I RASPODJELE JAVNIH PRIHODA U FEDERACIJI BOSNE I HERCEGOVINE

- U Pravilniku o načinu uplate, pripadnosti i raspodjele javnih prihoda u Federaciji Bosne i Hercegovine ("Službene novine Federacije BiH", br. 54/20, 55/20-isp, 63/20 i 88/20) u tački 5.6.6. na kraju teksta tačka se zamjenjuje zarezom i dodaju riječi: *"koje kantonalni trezor raspoređuje u korist kantonalnih i općinskih/gradskih budžeta u omjeru i na način utvrđen kantonalnim propisima."*
- Tačka 6.2.2. mijenja se i glasi:
"6.2.2. Prihodi iz tačke 6.2.1. rbr 1. ovog pravilnika uključuju zaostale prihode u skladu sa članom 28. Zakona o radu ("Službene novine Federacije BiH", br. 43/99, 32/00 i 29/03) i uplaćuju se u korist računa javnih prihoda kantonalnih službi za zapošljavanje."
- U tački 7.1.3. na kraju teksta tačka se briše i dodaju riječi: *"i raspodjeljuju budžetima kantonalnih turističkih zajednica, budžetima kantona i budžetima jedinica lokalne samouprave u skladu sa propisima iz tačke 7.1.2. ovog pravilnika."*
- Tačka 11.10. mijenja se i glasi:
"11.10. Uplata sredstava od prodaje imovine u postupku prinudne naplate koju provodi Porezna uprava vrši se u skladu sa instrukcijom Porezne uprave o popunjavanju platnog naloga za kupca imovine."
- Tač. 11.10.1., 11.10.2., 11.10.3. i 11.10.4. brišu se.
- Iza tačke 11.10. dodaju se nove tač. 11.11., 11.12. i 11.13. koje glase:
"11.11. Uplate sredstava od depozita ponuđača koji nije podmirio svoju obavezu na vrijeme kako je predviđeno članom 64. stav (6) tačka 5) Pravilnika o procedurama prinudne naplate poreznih obaveza ("Službene novine Federacije BiH", br. 50/02, 54/03, 31/11, 38/16, 69/17 i 18/21), Porezna uprava uplaćuje na račun budžeta Federacije, upisivanjem u polje 11. Vrste prihoda: 722613 i polje 15. Budžetska organizacija: 16030001.
11.12. Uplata troškova prinudne naplate vrši se na račun budžeta Federacije, upisivanje u polje 15. Budžetska organizacija: 16030001.
11.13. Prilikom uplate dužne obaveze u postupku prinudne naplate poreznih obaveza kada obavezu umjesto dužnika vrši drugo lice (fizičko ili pravno lice), lice u polje 9. Identifikacioni broj: upisuje svoj identifikacioni broj, a Poreznoj upravi dostavlja pisani ugovor o uplati dužnih obaveza u ime i za račun dužnika porezne obaveze."
- Tačka 12.3. mijenja se i glasi:

"12.3. Organizacioni kodovi federalnih budžetskih korisnika

Red. br.	Naziv budžetskog korisnika	Oznaka organizacione klasifikacije budžetskog korisnika u Federaciji
1.	Dom naroda Parlamenta Federacije Bosne i Hercegovine	10010001
2.	Predstavnički dom Parlamenta Federacije Bosne i Hercegovine	10020001
3.	Zajedničke službe Parlamenta Federacije Bosne i Hercegovine	10030001
4.	Ured predsjednika Federacije Bosne i Hercegovine	11010001
5.	Ured potpredsjednika Federacije Bosne i Hercegovine	11020001
6.	Ured potpredsjednika Federacije Bosne i Hercegovine	11030001
7.	Vlada Federacije Bosne i Hercegovine	12010001
8.	Služba za zajedničke poslove organa i tijela Federacije Bosne i Hercegovine	12020001
9.	Ured Vlade Federacije Bosne i Hercegovine za zakonodavstvo i usklađenost s propisima Europske unije	12030001
10.	Ured Vlade Federacije Bosne i Hercegovine za odnose s javnošću	12040001
11.	Ured za saradnju i zastupanje pred Ustavnim sudom Bosne i Hercegovine	12050001
12.	Komisija za koncesije Federacije Bosne i Hercegovine	12060001
13.	Ured Vlade Federacije Bosne i Hercegovine za evropske integracije	12070001
14.	Federalno ministarstvo unutrašnjih poslova	14010001
15.	Federalna uprava policije	14030001
16.	Federalno ministarstvo pravde	15010001
17.	Kazneno-popravni zavod poluotvorenog tipa Busovača	15030001
18.	Kazneno-popravni zavod poluotvorenog tipa Mostar	15040001
19.	Kazneno-popravni zavod poluotvorenog tipa Orašje	15050001
20.	Kazneno-popravni zavod poluotvorenog tipa Sarajevo	15060001
21.	Kazneno-popravni zavod poluotvorenog tipa Tuzla	15070001
22.	Kazneno-popravni zavod zatvorenog tipa Zenica	15080001
23.	Kazneno-popravni zavod poluotvorenog tipa Bihać	15090001
24.	Federalno ministarstvo finansija	16010001
25.	Porezna uprava Federacije Bosne i Hercegovine	16030001
26.	Finansijska policija Federacije Bosne i Hercegovine	16040001
27.	Federalno ministarstvo energije, rudarstva i industrije	17010001
28.	Federalno ministarstvo prometa i komunikacija	18010001
29.	Federalno ministarstvo zdravstva	20010001
30.	Zavod za javno zdravstvo Federacije Bosne i Hercegovine	20020001
31.	Federalno ministarstvo trgovine	22010001
32.	Federalno ministarstvo prostornog uređenja	23010001
33.	Federalno ministarstvo poljoprivrede, vodoprivrede i šumarstva	24010001
34.	Ustavni sud Federacije Bosne i Hercegovine	25010001
35.	Vrhovni sud Federacije Bosne i Hercegovine	26010001
36.	Sudska policija Federacije Bosne i Hercegovine	26020001
37.	Federalno tužilaštvo Federacije Bosne i Hercegovine	28010001
38.	Federalno pravobranilaštvo	29010001
39.	Federalno ministarstvo za pitanja boraca i invalida odbrambeno-oslobodilačkog rata	32010001
40.	Federalna uprava za geodetske i imovinsko-pravne poslove	33010001
41.	Federalni zavod za statistiku	34010001
42.	Federalni hidrometeorološki zavod	35010001
43.	Arhiv Federacije Bosne i Hercegovine	36010001
44.	Federalni zavod za programiranje razvoja	37010001
45.	Federalna direkcija robnih rezervi	38010001
46.	Ured za reviziju institucija u Federaciji Bosne i Hercegovine	44010001
47.	Federalna uprava civilne zaštite	46010001
48.	Federalni štab civilne zaštite	46030001
49.	Gender centar Federacije Bosne i Hercegovine	47010001
50.	Javna ustanova Federalna novinska agencija - FENA	49010001
51.	Federalno ministarstvo razvoja, poduzetništva i obrta	50010001
52.	Federalno ministarstvo rada i socijalne politike	51010001
53.	Federalni zavod za penzijsko i invalidsko osiguranje	51020001
54.	Federalno ministarstvo kulture i sporta	52010001

55.	Federalno ministarstvo raseljenih osoba i izbjeglica	53010001
56.	Federalno ministarstvo obrazovanja i nauke	54010001
57.	Javna ustanova Centar za edukaciju sudija i tužilaca u Federaciji Bosne i Hercegovine	55010001
58.	Agencija za državnu službu Federacije Bosne i Hercegovine	56010001
59.	Odbor državne službe za žalbe Federacije Bosne i Hercegovine	56020001
60.	Federalni zavod za geologiju	57010001
61.	Federalni zavod za agropedologiju	58010001
62.	Federalni zavod za poljoprivredu Sarajevo	59010001
63.	Federalni agromediterranski zavod Mostar	60010001
64.	Federalno ministarstvo okoliša i turizma	61010001
65.	Federalna uprava za inspeksijske poslove	62010001
66.	Agencija za reviziju privatizacije u Federaciji Bosne i Hercegovine	63010001
67.	Federalna agencija za upravljanje oduzetom imovinom	64010001

8. Iza tačke 12.3. dodaje se nova tačka 12.3.1. koja glasi:

"12.3.1. Organizacioni kodovi federalnih budžetskih korisnika iz tačke 12.3. ovog Pravilnika objavljeni su u Registru budžetskih korisnika Federacije Bosne i Hercegovine ("Službene novine Federacije BiH", broj 19/21)."

9. Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-2-4155/20-3

Aprila 2021. godine
Sarajevo

Ministrica
Jelka Milićević, s. r.

658

Na temelju članka 35. stavak (1) Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 15/21), federalni ministar finansija-federalni ministar financija donosi

**PRAVILNIK
O SADRŽAJU I NAČINU VOĐENJA REGISTRA
KVALIFICIRANIH OSOBA I REGISTARA PRAVNIH
OSOBA I PODUZETNIKA KOJI PRUŽAJU
KNJIGOVODSTVENE I RAČUNOVODSTVENE USLUGE**

Članak 1.

(Predmet Pravilnika)

Ovim Pravilnikom uređuju se sadržaj i način vođenja Registra kvalificiranih osoba te registara pravnih osoba i poduzetnika koji pružaju usluge u oblasti knjigovodstva i računovodstva, postupak upisa podataka u registre, promjene i brisanje podataka, upotreba i način uvida u podatke registara.

Članak 2.

(Registri)

- (1) Federalno ministarstvo financija – Federalno ministarstvo finansija (u daljnjem tekstu: Ministarstvo) sukladno članku 35. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj: 15/21 - u daljnjem tekstu: Zakon), uspostavlja i vodi:
 - a) Registar kvalificiranih osoba
 - b) Registar pravnih osoba koje pružaju knjigovodstvene i računovodstvene usluge
 - c) Registar poduzetnika koji pružaju knjigovodstvene i računovodstvene usluge.
- (2) Registri iz stavka (1) ovoga članka vode se u elektroničkom obliku, javni su i dostupni na internetskoj stranici Ministarstva.
- (3) Registri iz stavka (1) ovoga članka ažuriraju se na dnevnoj osnovi.

- (4) Registri propisani ovim Pravilnikom čuvaju se trajno, u skladu s propisima kojima se uređuje čuvanje arhivske građe.

Članak 3.

(Zahtjev za upis u Registar kvalificiranih osoba)

- (1) Kvalificirana osoba iz članka 32. Zakona je osoba koja posjeduje važeću licenciju certificiranog računovođe sukladno Zakonu i koja je zaposlena na neodređeno vrijeme s punim radnim vremenom u pravnoj osobi koja pruža knjigovodstvene i računovodstvene usluge, odnosno koja je poduzetnik ili koja je zaposlena na neodređeno vrijeme s punim radnim vremenom kod poduzetnika koji pruža knjigovodstvene i računovodstvene usluge.
- (2) U roku osam dana od zasnivanja radnog odnosa u pravnoj osobi ili kod poduzetnika koji pruža knjigovodstvene i računovodstvene usluge kvalificirana osoba je dužna upisati se u Registar kvalificiranih osoba.
- (3) Zahtjev za upis u Registar kvalificiranih osoba zajedno s pratećom dokumentacijom kvalificirana osoba podnosi Ministarstvu na Obrascu koji se nalazi u Prilogu br. 1. ovoga Pravilnika i čini njegov sastavni dio.
- (4) Zahtjev za upis u Registar kvalificiranih osoba podnosi i kvalificirana osoba koja je poduzetnik u roku osam dana od registracije redovne, dopunske ili dodatne djelatnosti kod nadležnog organa lokalne samouprave.
- (5) Uz Zahtjev iz stavka (2) ovoga članka kvalificirana osoba dostavlja sljedeću dokumentaciju:
 - a) kopiju osobnog dokumenta kojim se dokazuje identitet;
 - b) ovjerenu kopiju certifikata sa zvanjem računovođe;
 - c) ovjerenu kopiju važeće licencije – dozvole za rad računovođe;
 - d) uvjerenje/potvrdu izdanu od strane nadležnog organa unutarnjih poslova da nije kazneno osuđivan (ne starije od tri mjeseca od dana podnošenja zahtjeva);
 - e) uvjerenje/potvrdu izdanu od strane nadležnog suda da se ne vodi kazneni postupak iz oblasti gospodarskog poslovanja i sigurnosti platnog prometa (ne starije od tri mjeseca od dana podnošenja zahtjeva);
 - f) ovjerenu kopiju ugovora o radu, potvrdu o statusu zaposlenog (obrazac JS 3600) iz Jedinstvenog sustava registracije kontrole i naplate doprinosa socijalnog osiguranja, koji se vodi kod Federalnog ministarstva financija - Porezne uprave (u daljnjem tekstu: Porezna uprava);
 - g) ukoliko je kvalificirana osoba poduzetnik za pružanje knjigovodstvenih i računovodstvenih usluga, dostavlja ovjerenu kopiju rješenja o obavljanju djelatnosti.
- (6) Ministarstvo donosi rješenje o upisu u Registar kvalificiranih osoba.
- (7) Kvalificirana osoba iz stavka (1) ovoga članka dužna je prijaviti Ministarstvu sve promjene u podacima koji se vode u Registru u roku 8 dana od nastanka promjene.

Članak 4.

(Dostavljanje informacija o kontinuiranom usavršavanju)

Profesionalno tijelo iz članka 136. stavak (1) Zakona sukladno članku 125. stavak (5) točka c) Zakona dostavlja Ministarstvu najkasnije u roku od 15 dana po isteku prethodne godine pregled (informaciju) o prisutnosti minimalnom broju sati kontinuiranog usavršavanja nositelja profesionalnih zvanja kojima je izdana licencija sukladno Zakonu, na temelju čega Ministarstvo cijeni ispunjenje uvjeta o kontinuiranom profesionalnom usavršavanju kvalificiranih osoba.